

傷寒舌鑑目錄

藍色胎紋舌	二圖
藍紫色胎舌	三圖
紫色舌	一十二圖
紅色舌	二十六圖
灰胎舌	一十一圖
黑胎舌	一十四圖
黃胎舌	一十七圖
白胎舌	二十九圖



傷寒舌鑑

白胎舌總論

傷寒邪在皮毛初則舌有白沫次則白涎白滑再次白屑白疱有舌中舌尖舌根之不同是寒邪入經之微甚也舌乃心之苗心屬南方火當赤色今反見白色者是火不能制金也初則寒鬱皮膚毛竅不得疏通熱氣不得外泄故惡寒發熱在太陽經則頭痛身熱項背強腰脊疼等證傳至陽明經則有白屑滿舌雖證有煩躁如脉浮緊者猶當汗之在少陽經者白胎白滑用小柴胡湯和之胃虛者理中湯溫之如白色少變黃

長洲張登誼先彙纂
同邑邵之鵬三山較


者大柴胡湯大小承氣分輕重下之白舌亦有死證不可忽視也

微白滑胎舌



寒邪初入太陽頭疼
身熱惡寒舌色微白
有津香蘇散羌活湯
之類發散之

薄白滑胎舌



此太陽裏證舌也
三日未曾汗故邪入
丹田漸深急宜汗之
或太陽與少陽合病
有此舌者柴胡桂枝
湯主之

厚白滑胎舌




病三四日其邪只在
太陽故胎純白而厚
却不乾燥其證頭疼
發熱脉浮而緊解表
自愈

舌胎白厚乾



病四五日未經發汗
邪熱漸深少有微渴
過飲生冷停積胸中
營熱胃冷故令發熱
煩躁四肢逆冷而胎
白乾厚滿口白屑宜
四逆散加乾薑

舌心黃胎白




此太陽經初傳陽明
府病舌也若微黃而
潤宜再汗待胎燥裏
證具則下之若煩躁
嘔吐大柴胡湯加減
亦有下淡黃水沫無
稀糞者大承氣下之

乾白胎黑心舌



白胎黃邊舌



舌中見白胎外有微
 黃者必作泄宜用解
 毒湯惡寒者五苓散

此陽明府兼太陽舌
 其胎邊白中心乾黑
 者因汗不徹傳至陽
 明所致必微汗出不
 惡寒脈沉者可下之
 如二三日未曾汗有
 此舌必死

白胎滿黑刺乾舌




白滑胎尖灰刺舌




白胎中生滿乾黑芒
刺乃少陽之裏證也
其證不惡寒反惡熱
者大柴胡加芒硝急
下之然亦危證也

此陽明府兼少陽舌
也三四日自利脈長
者生弦數者死如有
宿食用大承氣下之
十可全五

半邊白滑舌



白滑胎黑心舌



白胎中黑為表邪入裏之候大熱譫語承氣等下之倘食復而發熱或利不止者難治

白胎見於一邊無論左右皆屬半表半裏並宜小柴胡湯左加葛根右加茯苓有效嗽引脇下痛而見此舌小青龍湯夏月多汗自利人參白虎湯

舌滑白結藏

黑黃

白滑

或左或右半邊白胎
半邊或黑或老黃者
寒邪結在藏也黃連
湯加附子結在咽者
不能語言宜生脉散
合四逆湯可救十中


一二

白胎黑斑舌




白胎中有黑小斑點
亂生者乃水來尅火
如無惡候以涼膈散
承氣湯下之十中可
救一二

白胎燥裂舌




傷寒胸中有寒丹田
有熱所以舌上白胎
因過汗傷營 舌上
無津所以燥裂內無
實熱故不黃黑宜小
柴胡加芒硝微利之

白胎黑根舌



舌胎白而根黑火被
水尅之象雖下亦難
見功也

白胎雙黃舌




白尖黃根舌




此陽明裏證舌也黃
乃土之色因邪熱上
攻致令舌有雙黃如
脈長惡熱轉失氣煩
躁者大柴胡調胃承
氣下之

邪 雖入裏而尖白未
黃不可用承氣宜大
柴胡湯加減下後無
他證安卧神清可生
倘再有變證多凶

白胎雙灰舌色




白胎雙黑舌



此夾冷食舌也七八
日後見此舌而有津
者可治理中四逆選
用無津者不治如乾
厚見裏證則下之得
湯次日灰色去者安

白胎中見黑色兩條
乃太陽少陽之邪入
於胃因土氣衰絕故
手足厥冷胸中結痛
也理中湯瀉心湯選
用如邪結在舌根咽
噎而不能言者死證
也

白胎尖紅舌



滿舌白滑而尖却鮮紅者乃熱邪內盛而復感客寒入少陽經也小柴胡湯加減

白尖紅中黑根舌




舌尖白而根灰黑少陽邪熱傳府熱極而傷冷飲也如水停津液固結而渴者五苓散自汗而渴者白虎湯下利而渴者解毒湯如黑根多白尖少中不甚紅者難治

白胎變黃舌




少陽證罷初見陽明
裏證故胎變黃色兼
失氣者大柴胡湯下
之

白胎中紅舌



此太陽初傳經之舌
也無汗者發汗有汗
者解肌亦有少陽經
者小柴胡湯加減

舌黃根灰尖胎白




舌根紅尖白



此太陽濕熱併於陽
明也如根黃色潤目
黃小便黃者茵陳蒿
湯加減


舌尖胎白邪在半表
半裏也其證寒熱耳
聾口苦脇痛脈弦小
柴胡湯和解之

舌 白 熟



純熟白

舌黑俱根尖胎白



黑

白

黑

舌根尖俱黑而中白
 乃金水太過火土氣
 絕於內雖無凶證亦
 必死也

白胎老極如煮熟相
 似者心氣絕而肺色
 乘於上也始因食瓜
 果冰水等物陽氣不
 得發越所致為必死
 候用枳實理中間有
 生者

淡白透明舌

透明

年老胃弱雖有風寒不能變熱或多服湯藥傷其胃氣所以淡白透明似胎非胎也宜補中益氣加減治之

白胎如積粉舌

胎如積粉


此舌乃瘟疫初犯募原也達原飲見三陽表證隨經加柴胡葛根羌活見裏證加大黃

黃胎舌總論

黃胎者裏證也傷寒初病無此舌傳至少陽經亦無此舌直至陽明府實胃中火盛火乘土位故有此胎當分輕重瀉之初則微黃次則深黃有滑甚則乾黃焦黃也其證有大熱大渴便秘譫語痞結自利或因失汗發黃或畜血如狂皆溼熱太盛小便不利所致若目白如金身黃如橘宜茵陳蒿湯五苓散梔子檳皮湯等如畜血在上焦犀角地黃湯中焦桃仁承氣湯下焦代抵當湯凡血證見血則愈切不可與冷水

飲之必死大抵舌黃證雖重若脈長者中土有氣也
下之則安如脈弦下利舌胎黃中有黑色者皆危證
也

純黃微乾舌



舌見黃胎胃熱之極
土色見於舌端也急
宜調胃承氣下之遲
則恐黃老變黑為惡
候耳

舌胎黃微

微黃


舌微黃而不甚燥者
表邪失汗而初傳裏
也用大柴胡湯若身
目俱黃者茵陳蒿湯

舌乾黃


乾黃

舌見乾黃裏熱已極
急下勿緩下後脉靜
身涼者生反大熱而
喘脉躁者死

舌班黑胎黃



舌滑黑胎黃



舌


舌黃而有黑滑者陽
明裏證具也雖不乾
燥亦當下之下後身
涼脈靜者生大熱脈
躁者死

黃胎中亂生黑班者
其證必大渴讖語身
無班者大承氣下之
如脈澹讖語循衣摸
床身黃班黑者俱不
治下出稀黑糞者死

舌辨隔黃老



黃胎中黑通舌尖



黃胎從中至尖通黑者乃火土燥而熱毒最深也兩感傷寒必死惡寒甚者亦死如不惡寒口燥咽乾而下利臭水者可用調胃承氣湯下之十中可救四五口乾齒燥形脫者不治

舌黃乾澇而有隔辨者乃邪熱入胃毒結已深煩躁而渴者大承氣湯發黃者茵陳蒿湯少腹痛者有瘀血也抵當湯結胸大陷胸湯

舌根灰胎黃




舌尖黃



舌尖胎黃熱邪初傳
胃府也當用調胃承
氣湯如脈浮惡寒表
證未盡大柴胡兩解
之

舌根灰色而尖黃雖
比黑根少輕如再過
一二日亦黑也難治
無煩躁直視脈沉而
有力者大柴胡加減
治之

舌根黑尖黃




舌黑根多而黃尖少者雖無惡證惡脈誠恐暴變一時以胃氣竭絕故耳

舌根紅尖黃




根紅而尖黃者乃濕熱乘火位也瘟熱初病多有此舌涼膈解毒等藥消息治之

舌滿脹大黃



黃

舌刺黑胎黃



舌胎老黃極而中有
黑刺者皆由失汗所
致邪毒內陷已深急
用調胃承氣下之十
中可保一二

舌黃而脹大者乃陽
明胃經溼熱也證必
身黃便秘煩躁茵陳
蒿湯如大便自利而
發黃者五苓散加茵
陳梔子黃連等治之

舌尖白根黃



舌根白尖黃



舌尖白根黃乃表邪
 少而裏邪多也天水
 散涼膈散合用如陽
 明無汗小便不利心
 中懊懣者必發黃茵
 陳蒿湯

舌根白尖黃其色倒
 見必是少陽經傳陽
 明府病若陽明證多
 者大柴胡湯少陽證
 多者小柴胡湯如譏
 語煩躁者調胃承氣
 湯

舌縮短尖白根黃



舌尖灰根黃




舌見根黃尖白而短
 硬不燥不滑但不能
 伸出證多譏妄煩亂
 此痰挾宿食占據中
 宮也大承氣加薑半
 主之

舌乃火位今見根黃
 尖灰是土來侮火也
 不吐不利心煩而渴
 者乃胃中有鬱熱也
 調胃承氣加黃連

黑胎舌總論

傷寒五七日舌見黑胎最為危候表證皆無此舌如
兩感一二日間見之必死若白胎上漸、中心黑者
是傷寒邪熱傳裏之候紅舌上漸、黑者乃瘟疫傳
變壞證將至也蓋舌色本赤今見黑者乃水來尅火
水極似火、過炭黑之理然有純黑有黑暈有刺有
隔辨有辨底紅辨底黑者大抵尖黑猶輕根黑最重
如全黑者總神丹亦難救療也

純 黑 舌



遍舌黑胎是火極似
水藏氣已絕脉必代
結一二日中必死切
勿用藥

舌黑底辨胎黑




凡見辨底黑者不可
用藥雖無惡候脉亦
暴絕必死不治

舌紅底辨胎黑




黃胎久而變黑實熱
亢極之候又未經服
藥肆意飲食而見脉
伏目閉口開獨語讖
妄醫遇此證必掘開
舌胎視辨底紅者可
用大承氣下之

滿黑刺底紅舌



滿舌黑胎乾燥而生
大刺揉之觸手而響
掘開刺底紅色者心
神尚在雖火過極下
之可生有肥盛多溼
熱人感冒發熱痞脹
悶亂一見此舌急用
大陷胸丸攻下後與
小陷胸湯調理

刺底黑舌



刺底黑者言刮去芒
刺底下肉色俱黑也
凡見此舌不必辨其
何經何脉雖無惡候
必死勿治

舌嚙自爛黑




舌黑爛而頻欲嚙必
爛至根而死雖無惡
候怪脉切勿用藥

舌胎滑白邊黑中



舌見中黑邊白而滑
表裏俱虛寒也脉必
微弱證必畏寒附子
理中湯温之夏月過
食生冷而見此舌則
宜大順冷香選用

舌滑黑中邊紅



舌黑有津證見讖語者必表證時不會服藥不戒飲食冷物結滯於胃也虛人黃龍湯或枳實理中加大黃壯實者用備急丸熱下之夏月中暍多有此舌以人參白虎湯主之